

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ԲԱՂՐԱՄՅԱՆ ՀԱՄԱՅՆՔԻ
2025 ԹՎԱԿԱՆԻ ՏԱՐԵԿԱՆ ԱՇԽԱՏԱՆՔԱՅԻՆ ՊԼԱՆԻ ԻՐԱԿԱՆԱՑՄԱՆ ՎԵՐԱԲԵՐՅԱԼ
ՀԱՄԱՅՆՔԻ ՂԵԿԱՎԱՐԻ ՀԱՇՎԵՏՎՈՒԹՅՈՒՆ**

2025 թվականին Բաղրամյան համայնքում իրականացված աշխատանքները միտված են եղել համայնքի համաչափ տարածքային զարգացմանը, կենսական ենթակառուցվածքների արդիականացմանը, սոցիալական կայունության ապահովմանը և երկարաժամկետ ռազմավարական ծրագրերի հիմքի ձևավորմանը: Տարեկան աշխատանքային պլանը իրականացվել է համակարգված կառավարման, ֆինանսական կարգապահության և պետական-համայնքային համագործակցության սկզբունքներով:

1. Ենթակառուցվածքներ

2025 թվականի ընթացքում ենթակառուցվածքային զարգացման հիմնական առանցքը հանդիսացել են սուբվենցիոն ծրագրերը, որոնք իրականացվել են պետական բյուջեի և համայնքային համաֆինանսավորման սկզբունքով:

Սուբվենցիոն ծրագրեր

Համայնքում իրականացվել են 16 խոշոր ծրագրեր՝ ուղղված ճանապարհային ցանցի բարելավմանը, գազաֆիկացմանը և ռոռզման համակարգերի կառուցմանը:

Ճանապարհաշինական ծրագրեր (14 բնակավայրերում)

Ասֆալտապատվել են համայնքի տարբեր բնակավայրերի կենտրոնական և երկրորդական նշանակության փողոցներ՝

Լեռնագոգ՝ Ա. Խաչատրյան փողոց

Արևադաշտ՝ Գ. Չաուշ փողոց

Վանանդ՝ Զ. Սահակյան փողոց (1-ին հատված)

Բաղրամյան՝ Արցախի փողոց

Դալարիկ՝ Մյասնիկյան, Շահումյան, Մ. Գորկու, Մ. Մաշտոց փողոցներ

Քարակերտ՝ Աբովյան, Նալբանդյան փողոցներ

Շենիկ՝ Ե. Չարենց փողոց

Հուշակերտ՝ 5-րդ և 6-րդ փողոցներ

Արգինա՝ Տիգրան Մեծ փողոց

Արտամետ՝ Գարեգին Նժդեհ փողոց

Ծրագրերի ընդհանուր արժեքը կազմել է 480. մլն. (չորս հարյուր ութսուն միլիոն) ՀՀ դրամ , որից՝ 191 մլն. (հարյուր ինսունմեկ միլիոնը) ՀՀ դրամը համաֆինանսավորվել է պետական բյուջեից, իսկ 280 մլն (երկու հարյուր ութսուն միլիոն) ՀՀ դրամը՝ համայնքի միջոցներով: Արդյունքում՝

Բարելավվել է տրանսպորտային հասանելիությունը,

Նվազել են ավտոմոբիլային վնասները,

Ապահովվել է բնակչության անվտանգ տեղաշարժ,

Բարձրացել է համայնքային գույքի արժեքը:

Գազաֆիկացում

Բազարան, Երվանդաշատ և Կողբավան բնակավայրերում իրականացվում է գազաֆիկացման խոշոր ծրագիր՝ շուրջ 399 մլն դրամ ընդհանուր արժեքով: Ծրագիրը լուծելու է բնակչության կենսական խնդիր՝ ապահովելով էներգետիկ կայունություն և սոցիալական պայմանների էական բարելավում:

Ոռոգման համակարգ

Լեռնագոգ բնակավայրում կառուցվել է սնուցող ոռոգման ջրագիծ (ընդհանուր արժեք՝ 150 մլն դրամ համաֆինանսավորմամբ): Ծրագիրը ռազմավարական նշանակություն ունի գյուղատնտեսության զարգացման համար և ապահովում է ջրի արդյունավետ բաշխում:

Վերոնշյալ բոլոր ծրագրերն իրականացվել են նախագծանախահաշվային փաստաթղթերի, սեյսմիկ և տեխնիկական փորձաքննությունների, հեղինակային և տեխնիկական վերահսկողության ապահովմամբ՝ պահպանելով շինարարական և որակի չափանիշները:

2. Սոցիալական ոլորտ

2025 թվականին սոցիալական քաղաքականության ոլորտում կատարվել են կառուցվածքային փոփոխություններ:

Դրամական ուղղակի օգնության ծրագիրը դադարեցվել է՝ անցում կատարելով նպատակային և իրավիճակային սոցիալական աջակցության մեխանիզմի: Համայնքապետարանը սահմանել է աջակցության գործիքակազմ՝ բնական աղետների, արտակարգ դեպքերի կամ չնախատեսված ռիսկերի հետևանքով վնասներ կրած ընտանիքների համար:

Այս մոտեցումը ապահովում է.

ոնտուրսների նպատակային բաշխում,

սոցիալական արդարության պահպանում,

համայնքային բյուջեի արդյունավետ կառավարում:

3. Արտակարգ իրավիճակներից բնակչության պաշտպանություն

Համայնքում իրականացվել են կանխարգելիչ միջոցառումներ՝

վտանգավոր տարածքների մշտադիտարկում,

աղետների դեպքում օպերատիվ արձագանքման մեխանիզմների մշակում,

համայնքային կառույցների պատրաստվածության բարձրացում:

Արտակարգ իրավիճակների դեպքում սոցիալական աջակցության ծրագրի կիրառումը ապահովում է արագ արձագանք և վնասների մեղմում:

4. Գյուղատնտեսություն

Գյուղատնտեսական ոլորտը համայնքի տնտեսության հիմքն է: 2025 թվականին իրականացվել են հետևյալ աշխատանքները՝

Գյուղատնտեսական նշանակության հողերի գործառնական նշանակության փոփոխության գործընթացների կազմակերպում,

Խորհրդատվական աջակցություն գյուղատնտեսական հարցերով,

Մկնասպան և պաշտպանիչ դեղամիջոցների տրամադրում,

Սերտ համագործակցություն համայնքի վարչական տարածքում գործող խոշոր այգեգործական տնտեսությունների հետ:

Ոռոգման ջրագծի կառուցումը լրացուցիչ խթան է հանդիսանում գյուղատնտեսական արտադրողականության բարձրացման համար:

5. Շրջակա միջավայրի պաշտպանություն

Իրականացվել են համայնքային մաքրման և սանիտարական աշխատանքներ, կանաչապատման նախաձեռնություններ և աղբահանության կազմակերպման շարունակական գործընթացներ: Միջավայրի բարեկարգումը դիտարկվել է ոչ միայն էկոլոգիական, այլև սոցիալ-տնտեսական զարգացման համատեքստում:

6. Քաղաքաշինություն և կոմունալ տնտեսություն

Քաղաքաշինական ոլորտում իրականացվել են՝

Ապօրինի և ինքնակամ շինությունների օրինականացման վերաբերյալ տեղեկատվական և իրավական խորհրդատվություն,

Կոմունալ ծառայությունների համակարգված վերահսկողություն,

Բարեկարգման աշխատանքների կազմակերպում:

Այս ուղղությամբ աշխատանքները նպաստել են տարածական կարգապահության և իրավական մշակույթի ձևավորմանը:

7. Կրթություն

Համայնքում գործում է 10 մանկապարտեզ, որոնք 2025 թվականին աշխատել են բնականոն ռեժիմով:

2025 թվականին վերանորոգվել է Բաղրամյան գյուղի մանկապարտեզը, որը 2026 թվականին կգործի՝ ապահովված անհրաժեշտ բոլոր պայմաններով: Ապահովվել են

կրթական միջավայրի անվտանգության, սանիտարահիգիենիկ և նյութատեխնիկական պահանջները:

Համայնքի կրթական հաստատություններում շարունակվել է որակյալ նախադպրոցական կրթության ապահովումը:

8. Մշակույթ և երիտասարդության հարցեր

Համայնքում գործում են ակտիվ երիտասարդական խմբեր և տարածքներ, որոնք 2025 թվականին համագործակցել են համայնքապետարանի հետ՝

համայնքային ծրագրերի մշակման,

հանդիպումների կազմակերպման,

առաջարկությունների ներկայացման,

նախաձեռնությունների իրականացման ձևաչափերով:

Երիտասարդության ներգրավվածությունը համայնքային կառավարմանը նպաստում է մասնակցային ժողովրդավարության ամրապնդմանը և սոցիալական կապիտալի ձևավորմանը:

9. Զբոսաշրջություն

Բաղրամյան համայնքը ընդգրկված է մի շարք տարածաշրջանային զբոսաշրջային ծրագրերում: 2025 թվականին իրականացվել են նախապատրաստական աշխատանքներ, որոնց տեսանելի արդյունքները կարձանագրվեն 2026 թվականին:

Առանձնահատուկ շեշտադրում է կատարվում գյուղատնտեսական տուրիզմի զարգացման վրա՝ համայնքի գյուղատնտեսական ներուժի և ավանդույթների հիման վրա:

Եզրակացություն

2025 թվականի ընթացքում Բաղրամյան համայնքում իրականացված աշխատանքները բնութագրվում են ռազմավարական մոտեցմամբ, ենթակառուցվածքային լայնածավալ ներդրումներով և սոցիալական պատասխանատվությամբ:

Սուբվենցիոն ծրագրերի իրականացումը, կրթական և սոցիալական ոլորտների կայուն գործունեությունը, գյուղատնտեսության և երիտասարդական նախաձեռնությունների խթանումը հիմք են ստեղծում համայնքի երկարաժամկետ և կայուն զարգացման համար:

Համայնքապետարանը շարունակելու է առաջնորդվել հաշվետվողականության, թափանցիկության և մասնակցային կառավարման սկզբունքներով՝ ի նպաստ համայնքի բնակչության բարեկեցության բարձրացման: